



**SENTENCIA A CAY:
BENNY (AVP) MESTER
PAGA BEK 840 MIL FLORIN
HORTA DI PAIS ARUBA**



**Hues ta hay'e culpabel di malversacion
BENNY SEVINGER MESTER PAGA MAS CU 840
MIL FLORIN SINO E LO BAY 900 DIA SERA**

**FRACCION DI PPA TA BOGA PA
DOCUMENTA ESNAN TRAHANDO ILEGAL**
Fondonan proveniente mester bay directamente
pa cuida nos frontera



**FRACCION DI
MEP LO SIGUI
TRAHA Y BRINGA
PA FUNDACION
RESPETAMI HAÑA
NAN FONDO
ADICIONAL**



CORTE DI ARUBA A CONDENA EX MINISTER DI AVP PA PAGA MAS DI 800 MIL FLORIN

Oranjestad, 3 di april 2025 – E Tribunal di Husticia di Promer Instancia di Aruba a condena ex Minister Benny Sevinger pa paga un cantidad total di Afl. 840.051,91 na gobierno di Aruba como pago di beneficio obteni ilegalmente. E caso ta relaciona cu e participacion di e ex-funcionario den soborno, fraude, abuso di funcion i malversacion di fondo publico.

Detaynan di E Caso
E ex-funcionario, cu a nace dia 12 di januari 1965 i ta residente di Aruba, a worde condena anteriormente na april 2023 pa actonan di corrupcion. Despues di un apelacion, e Hof di corte Comun di Aruba a confirma su culpabilidad na juli 2024 pa varios crimen, incluyendo:

- Fraude (participacion den estafa)
- Soborno pasivo (aceptacion di regalo como pago pa actuan ilegal)

- Abuso di funcion publico
 - Malversacion di fondos (di Fundacion FCB)
- Fiscal a pidi pa confisca Afl. 901.406,17, pero corte a reduci e cantidad pa Afl. 840.051,91 despues di a analisa e pruebanan. Calculo di E Beneficio Ilegal
Corte a usa dos metodo pa determina e monto:
1. Analisis di gastonan i entrada ilegal – A muestra cu e ex-funcionario no por a hustifica e suma di mas di Afl. 765.331,97 di su gastonan.
 2. Transaccionnan specifico – A identifica Afl. 74.719,94 obteni directamente via soborno i malversacion.
- Entre e gastonan no hustifica tabatin:
- Renobacion y amplacion di su cas (mas di Afl. 450.000)
 - Viajenan di luho (Afl. 70.913,78)
 - Pago di utilidadnan i otro gasto personal
- Defensa i Decision Final



E abogado di e ex-minister, Sr. David Kock a argumenta cu no tabatin un sentencia “definitivo” ainda (debi di un apelacion na Hoge Raad na Hulanda), pero e tribunal a rechasa e argumento. Ademá, e defensa a trata di reduci e cantidad alegando cu no tur gasto tabata ilegal, pero e fiscal a presenta prueba solido, incluyendo report di investigacion financiero i declaracionnan di testigo.
Consecuencia

Si e ex-Minister Benny Sevinger no paga e cantidad exigí, e por bay 900 dia cera como castigo alternativo. E tribunal a enfatisa cu e decision ta basa riba articulo 1:77 di Código Penal di Aruba, cu ta permiti pa confisca beneficiacion obteni ilegalmente.
E caso ta muestra e compromiso di autoridadnan di Aruba pa combati corrupcion i garantiza transparencia den maneho di fondo publico.

Parlamentario Otmar Oduber BIDA DI E DETENIDONAN NA KIA Y E PERSONAL TA CORE PELIGER

Parlamentario Otmar Oduber durante reunion den Parlamento a divulga un rapport scondi y devastador cu ta papia di e situacion peligroso cu KIA ta den dje ‘De Noodklok Luidt bij het Dienst Gevangenis Aruba en Correctieinstituut Aruba’.

Eta bisa cu formadornan sa di e rapport aki y cu e ta spera cu Minister di Husticia tambe sa di dje pasobra “Nos KIA

ta un timebomb”. No ta solamente e bida di e detenidonan, pero tambe e bida di e ciudadornan, di e trahadornan, ta na peliger henter dia, tur dia.

Oduber ta indica cu esaki ta momento di actua y no ta cuestion di culpa e gobierno cu a sali, pasobra e gobierno anterior tambe tabata sa di dje y e tempo ey tabatga papia cu KIA mester wordo renoba of traha un nobo. “Tin 15-20 aña caba cu ta papiando

di un KIA cu tin 600 pa 700 hende den dje cu ta na peliger, cu bo no sa kico por pasa cu nan”.

Pa e motibo aki Fraccion di PPA den Parlamento a presenta un amienda alocando 1 miyon pa KIA, urgiendo gobierno pa inicia training y programanan pa rehabilita e detenidonan y preparanan pa reintegra den nos comunidad. Esaki mientras cu ta busca un solucion, pa cual e fraccion



oranje tambe a presenta un mocion y pa cual a pidi gobierno pa e aña aki mes presenta e plannan pa un KIA nobo.

SENTENCIA A CAY: BENNY (AVP) MESTER PAGA BEK 840 MIL FLORIN HORTA DI PAIS ARUBA



Awe Corte den Prome Instancia a dicta sentencia den e caso di ontneming cu Ministerio Publico a cuminsa contra e sospechoso Benny Sevinger (AVP) den investigacion Avestrus. Huez a bay de acuerdo e confiscacion di di alrededor di 840.000 florin.

Anteriormente Benny a wordo condena pa Hof den apelacion, pa un castigo di prison di 48 luna, di cual 12 luna ta condicional cu un tempo di prueba di 3 aña. Hues a dicidi ademas cu el’a perde e derecho di participa na eleccionnan y e derecho pa ocupa cualkier cargo publico pa un periodo di 5 aña di tempo.

Relaciona cu e condena cu Benny a haya, Ministerio Publico a entrega un peticion pa kita rond di 900.000 florin di e sospechoso.

E mayoria di e suma aki ta consisti di rikesa inexplicable cu S. a dispone di dje. Otro parti ta trata di donacionnan cu Benny supuestamente a ricibi directamente relaciona cu actonan castigable pa ley.

E caso Avestrus ta encera acusacionnan grave contra e ministro de Infraestructura anterior y trece gran impacto social cu ne. Cu e ontneming aki e suma di 840.000 florin lo bolbe bek pa Pais Aruba.



Expression of Interest Reconstruction of Slope at Port O’stad

Aruba Ports Authority N.V. (APA) invites interested and qualified contractors with experience in nautical and maritime projects to submit an Expression of Interest (EOI) for the purpose of determining their interest, capacity and expertise to undertake services of upcoming projects in the maritime sector. The project entails the maintenance and/or (re)construction of a slope (talud) at Port Oranjestad. The purpose of the EOI is to identify construction companies that wish to participate in a forthcoming solicitation process. This EOI does not constitute a formal solicitation for bids, nor does it obligate APA to proceed with any contractual arrangements. Any requests for proposals (RFPs) will be issued separately.

Project Overview

In general terms the project entails the reconstruction of the Slope at Basins between Quay E & F, Quay G & H and area west of Quay I.

Works include:

- The construction of steel sheet pile walls with the use of appropriate machinery and equipment to execute the tasks efficiently and safely,
- Securely install brickworks or stones behind the steel sheet pile wall (to the north) as per the design specifications,
- Proper disposal of all waste material in compliance with local safety and environmental standards.

Contractor Requirements:

To be considered, contractors must have the following qualifications:

- Proven experience in maritime construction and/or nautical-related projects and steel piling field.
- Adequate workforce and equipment capacity to handle large-scale projects.
- Compliance with all local, regional, and international maritime safety standards and environment regulations.
- Strong project management skills with a demonstrated ability to meet deadlines and budget constraints.
- Previous successful partnerships or collaborations in the maritime industry are preferred.

Submission Requirements:

Interested contractors are requested to submit the following information:

1. Company profile and history, including a summary of relevant experience.
2. Detailed list of services offered within the maritime industry.
3. Evidence of past project successes, including project descriptions, timelines, and outcomes.
4. A summary of skilled workforce, their technical capabilities, and experience.
5. Proven financial stability to handle large projects.
6. Any additional relevant documents or certifications.

Deadline for Submission:

Final date to submit all EOI responses and any inquiries is **April 11, 2025 before 10:00 a.m.**

All should be directed to: tender@arubaports.com. Subject/reference of email:

Reconstruction of Slope at Port O’stad

Submissions received after said deadline will not be considered.

Next Steps:

Upon reviewing the submissions, APA will shortlist potential contractors and reserves the right to invite them for further discussions and tender submissions based on the information provided in the EOI.

We look forward to receiving your submission and potentially collaborating on this exciting project.

Sincerely,

ARUBA PORTS AUTHORITY N.V.

April 2025





NoticiadiCorte

Hues ta hay'e culpabel di malversacion

BENNY SEVINGER MESTER PAGA MAS CU 840 MIL FLORIN SINO E LO BAY 900 DIA SERA

ORANJESTAD – Awe mainta Hues di Corte den Promer Instancia a dicta sentencia den e caso penal cu Ministerio Publico a cuminsa contra Benny Sevinger. Hues ta haya Benny Sevinger culpabel.

SOLO DI PUEBLO por a compronde cu Hues a rechaza defensa di abogado mr. D.Kock y tambe a reduci e castigo existi pa Fiscal.

RECHAZA DEFENSA DI ABOGADO

Benny Sevinger a presenta den Corte di Husticia pa scucha su sentencia, hunto cu abogado mr. D.Kock. Hues a bisa cu Fiscal a pidi pa trata e caso mientras cu abogado mr. D.Kock ta haya cu segun ley, no por bay condena Benny

Sevinger, tanten cu no tin sentencia definitivo di Corte Supremo. El a pidi Hues pa warda cu e caso en todo caso tuma un decision te ora tin un decision di Corte Supremo.

Hues a bisa cu Corte Superior riba 12 Juli 2024, a haya ex minister Benny Sevinger, den caso Avestruz, culpabel y a conden'e na 48 luna di prison. Ademá Hof di Corte Superior a kita e derecho pa Benny ta un ambtenaar.

Hues ta di opinion cu contrario na mr. Kock, tin decision di Corte Supremo cu ta muestra cu por tuma decision mientras cu ta warda riba decision di Corte Supremo. Hues a rechaza e defensa di mr. Kock.

DECISION DI HUES

Ta asina cu durante tratamiento di e caso di kita propiedad di Benny Sevinger, Fiscal a existi pa Benny paga mas di 191 mil florin di malversacion di placa.

Hues a bisa cu el a bay evalua tur e calculacionnan haci y ta yega na un otro conclusion cu Fiscal. Envez di 910 mil florin, Hues ta yega na 840.051,91 florin.

Hues a condena Benny Sevinger na paga 840.051,91 florin na Gobierno. Hues a sigui bisa cu si Benny Sevinger no paga, e lo mester bay 900 dia sera den prison.

Parlamentario Hendrik Tevreden:

GOBIERNO TA LIMITA RECURSONAN PA FCCA TRAHA VIVIENDA SOCIAL

Porfin tin presupuesto, algo cu Gerlien ta tin secuestra desde final di december 2024. Nos mester a warda pa nan a vota pa Marlon Sneek por a bira presidente y pa asina e yama e reunion ey diabierna siman pasa. Apesar cu e presupuesto a wordo aproba unanimamente mi tin preocupacion tocante e recorte cu Geoffrey Wever a implementa. Minister Geoffrey Wever tawata na altura cu gobierno anterior a laga tur cos cla pa yuda FCCA. Pero cu Mike na cabes awor hunto nan a scoge pa kita 20 miyon florin destina pa construccion di cas social.

Kiermen tur e plan pa traha mas cas, awor lo ta sigur te otro aña. Kisas!

Huur di casnan social por bay bira mas caro FCCA ta traha su placa pa sigui duna huur atractivo na ciudadanonan atraves di subsidio di gobierno y e casnan cu nan por huur o bende. Si FCCA no por haya ayudo di Gobierno manera esaki, nan prijsnan lo aumenta mas, nan lo traha menos cas, y esnan cu ta na huur lo por bira mas caro. Porta cu loke gobierno Eman-Wever-Croes a haci aki lo bay afecta e estabilidad di huur pa e famianan cu ta



biba den cas di FCCA. Nos ta sigui ta atento Di parti di Fraccion di MEP nos a tuma contacto cu FCCA y mas cu claro

nan no ta contento cu e decision aki. Fraccion di MEP lo sigui ta skerpi, sigui haci pregunta, informa comunidad, tene contacto

cu pueblo y tambe keda den contacto cu departamento y fundacionnan. Sigur e no por keda asina aki!

BIENTO FUERTE: BARCO CRUCERO AIDA BELLA A CANCELA

E barco crucero Aida Bella, di e linea di crucero AIDA tabata programa pa yega Aruba awe mainta. Apesar cu a solicita un tug, toch e Capitan di e barco crucero no tabata confortabel cu e situacion di biento y lama.

Apesar di e esfuersonan di APA y e agencia di e barco pa asisti e Capitan mas cu ta posibel pa asina toch e lo por dreña na un manera sigur. Sinembargo toch e Capitan a tuma e decision di cancela e bishita di e barco crusero pa Aruba.

Esaki sigur ta lamentable debi cu cancelacion di un barco crucero tin hopi consecuencia financiero pa APA y tambe pa companianan cu ta ofrece tour y demas servicionan aki na Aruba, sin menciona tur e negoshinan cu ta beneficia di e actividad economico di e industria aki.

APA sigur lo tuma contacto cu e compania di crucero pa dialoga den strategianan pa evita e tipo di situacionnan aki ripiti.

Departamento Nautico di APA tin profesionalnan cu hopi experiencia y ta custuma cu condicionnan climatico cu tin actualmente na Aruba.

APA tambe a tuma nota di informacionnan incorrecto cu ta circula riba medionan social y ta enfatisa cu e decision pa a cancela e bishita di Aida Bella awe tabata un decision di e Capitan di e barco crucero mes.###

Getting your money back should be easy.



Skip reminders—no more chasing friends, family, or colleagues





Send a secure payment link via WhatsApp or SMS in seconds



Enjoy the feeling of being repaid instantly

Try Sentoo.me today!



Clasificados

SOLODIPUEBLO@GMAIL.COM
CEL.585 9500

www.arubabank.com

Find us on:

sentoo.me

Arubabank®

Parlamentario Dangui Oduber (MEP): A DIRIGI DIFERENTE PREGUNTA NA MINISTER WEVER RELACIONA CU AUMENTO DI GAS



Parlamentario di Fraccion di MEP, sr. Dangui Oduber, a entrega diferente pregunta na Minister di Finansa, Asuntonan Economico y Sector Primario, sr. Geoffrey Wever, relaciona cu e aumento di 30% di gas domestico. Segun Oduber, e decision aki ta pisa riba e pueblo mientras cu AIB, cu a cumpra Arugas, a genera un ganashi di 13 miyon florin na 2023. “E pregunta cu ta surgi ta kende su interes e



minister ta defende? Di pueblo, e homber chikito of comercio?” segun Oduber.

Splicacion di e decision Mirando e impacto cu e decision aki tini, Parlamentario Oduber ta exige un splicacion cla di e gobierno tocante e base y hustificacion pa un aumento asina drastico. “Nos ta spera cu e minister por duna un clarificacion detaya tocante e decision di a subi e prijs di gas domestico, specialmente

despues di a campaña di mehora e poder di compra di nos ciudadanonan.”

Parlamento Oduber lo warda riba contestacion di Minister Wever Segun e Parlamentario, ta esencial pa Parlamento y pueblo haya transparencia den e manera con ta maneha e fondonan y ki tipo di consideracion ta wordo tuma prome cu implementa un medida. E cuestion aki ta lanta hopi preocupacion den e comunidad y e gobierno tin un obligacion pa duna claridad riba e situacion.

Pa e motibo aki Parlamentario Oduber ta pidi pa Minister contesta e preguntanan mas pronto cu ta posibel, pa asina e pueblo por ta informa riba e motibo(nan) tras di e decision pa aumenta e gas domestico.



ACCIDENTE CU HENDE HERIDA PA MOTIBO DI FALTA DI PREFERENCIA NA TANKI LEENDERT



Diaranson atardi a drenta informe di un accidente cu hende herida na Tanki Leendert, mesora a dirigi

tanto polis como ambulans na e sitio. Na yegada di e patruya a bin compronde cu aki ta trata di un accidente

pa falta di preferencia unda e dama chauffeur di e Chevrolet Aveo no a para pa duna preferencia na e Hyundai Accent ni cu esaki a purba desvia pa e impacto halando na man robes. Debi na e impacto e dama chauffeur di e Aveo a resulta herida y tabata keha di dolor. Na yegada di e ambulans nan a atende e dama y a transporte pa hospital.



FRACCION DI PPA TA BOGA PA DOCUMENTA ESNAN TRAHANDO ILEGAL

Fondonan proveniente mester bay directamente pa cuida nos frontera



Den un amienda presenta pa fraccion di PPA den Parlamento, Otmar Oduber a boga, un biaha mas, pa un Pardon Regeling pa legalisa 10 mil persona indocumenta na Aruba. E personanan aki ta forma parti di e forsa laboral na Aruba pero no ta contribui na e diferente fondonan, manera tur otro trahador.

E ta propone pa bin cu un tipo di boet di mil Florin cu lo representa 10 miyon Florin den un periodo di 3 luna, cual lo ta e termino cu e Pardon Regeling aki lo ta vigente. E suma aki, fraccion di PPA ta propone pa bay pa cuido di frontera directamente y evita cu hendenan por sigi yega Aruba den forma ilegal debi na e regeling aki. Cu e fondonan aki lo por percura pa tin personal, drones y ekiponan necesario pa para entrada di hendenan den forma ilegal via lama na nos isla.

Ta importante pa atende cu e situacion aki mas pronto cu ta possible pasobra e instancianan cu ta encarga cu esaki ta indica cu tur luna tin entre 4 pa 5 barco ta drenta, ya cu nan ta haya tur siman hende nobo. E urgencia ta mas grandi ainda, si tene na cuenta cu e

ayudo cu e instancianan aki tabata haya for di gobierno Mericano a wordo corta. Esnan riba nos isla ya ta forma parti di e forsa laboral pero no ta contribui na ningun instancia.

Nos economia ya absorbe gran mayoria di esnan sin documento aki y nan tin unda pa biba y ta forma parti di e economia na un manera informal. Realidad ta cu ademas di esnan ya riba nos isla, ainda tin un necesidad grandi na mas trahador.

Hopi comerciante ta sufriendo y nos economia lo sinti e efectonan negativo di esaki si nos no actua awo. Claro ta e momento oportuni pa implementa un maneho adapta pa esnan cu ta bai worde legaliza como tambe esnan cu lo mester bin ainda. Ademas di cumpli cu e screening y documentonan rekeri, ta bon pa introduci exigencia y condicionan manera cursonan di Papiamento, Ingles y programanan di integracion manera entre otro un certification program.

“Aruba ta perdiendo

pa aña rond di 26 miyon florin cu lo drenta den caha di AZV y rond di 37 miyon den caha di SVB, pa no papia

mes di otro contribucionan cu no ta worde haci na e momentonan aki, mientras pa aña ta calcula cu Aruba

ta perdiendo un minimo di 50 miyon cu nonta circula den nos economia”, asina Oduber a trece dilanti.

No bai Campa sin esaki!

AFL. 189

AFL. 199

AFL. 115

AFL. 199

electro ★

📍 Avenida Milio Croes 41 📞 (+297) 280-0222

Partido MEP:

FRACCION DI MEP LO SIGUI TRAHA Y BRINGA PA FUNDACION RESPETAMI HAÑA NAN FONDO ADICIONAL



- Diahuebs mainta a wordo duna. Parlamentario Evelyn Wever-Croes hunto cu Parlamentario Rocco Tjon a bishita Fundacion Respetami cu ta e fundacion cu ta traha riba prevencion di abuso di mucha.

Parlamentario Wever-Croes a indica cu durante gobernacion di Gabinete Wever-Croes II, e tema di abuso sexual contra nos muchanan tabata uno di gran prioridad. Pa e motibo aki Gobierno anterior a entrega un mocion den Parlamento pidiendo fondo adicional pa dicho fundacion. Lamentablemente esaki no


Segun Parlamerntario Wever-Croes, si Gobierno kier traha na bienestar di pais Aruba, ta importante pa nan sigui enfoca riba prevencion di abuso contra nos muchanan. Esaki ta e motibo principal pakico Gobierno anterior a bin cu e mocion aki.


E modelo di turismo a wordo cambia y ta bisa “Aruba One Happy Island” pero si nos kier crea di berdad un isla feliz, nos mester cuminsa percura pa e isla ta feliz pa su ciudadanonan. Paso un isla cu a dushi pa biba riba dj’e ta un isla dushi pa



bishita. Esaki ta e meta y ta esaki nos mester sigui traha riba dj’e.

“Gabinete Wever-Croes II a crea un espacio financiero di 500 miyon florin cu e speransa cu e Gobierno actual inverti den e capital humano di pais Aruba, paso asina so lo por papia di progreso y bienestar. Cu e informacion colecta den e reunion cu Fundacion Respetami, fraccion di MEP lo sigui traha y bringa pa e fundacion haña su fondo adicional pa asina por sigui traha na prevencion di abuso contra nos muchanan” Parlamentario Wever-Croes a expresa.

<div></div> <div>OPENBAAR MINISTERIE ARUBA</div> <div>Corte di Prome Instancia 3 april 2025</div>		
Horario	Sospechoso	Acto Castigabel
14.00	O.A.H.	Pro forma. H. ta wordo acusa di posesion di marihuana riba 27 di december 2024.
14.00	J.M.Z. G.E.T.	Pro forma. T. ta wordo acusa di asesinato di un persona riba 26 di december 2024, dor di lage guli bolitas di cocaina, cu siguiementemente a kibra den curpa di e persona aki. Z. y T. ta wordo acusa di importacion di cocaine den e periodo di 24 pa 26 di december 2024.

<div></div> <div>OPENBAAR MINISTERIE ARUBA</div> <div>Corte di Prome Instancia 4 april 2025</div>		
Horario	Sospechoso	Acto Castigabel
08.30	R.T.R. D.J.H-P.	R. y H-P. ta wordo acusa di a viola ley di droga entre 8 y 23 di augustus 2024.
11.00	J.F.P.	P. ta wordo acusa di intento di homicidio riba 17 di oktober 2024.

CASITA DI PALO A KIMA POR COMPLETO NA TANKI LEENDERT



Diaranson anochi a drenta informe di cu tin un cas na candela na Tanki Leendert, mesora a dirigi tanto polis como bombero na e sitio. E prome informe tabata indica di cu tin un hende ta biba aden. Na yegada di e patruya ya caba e candela tabata tin e casita como cu ta di palo kimando completamente. Bomberonan a busca entre e vlamnan pero no a haya e persona. Un rato despues e homber a presenta y a keda tur disgusta y decepciona pasobra full su casita a pega na candela y a bay papia cu polis. Mientras bomberonan a caba di paga e candela.



HUES TA RECHASA PETICION DI DUCAPRO CONTRA Q-WAVES/ HITS100FM

Oranjestad, 3 di April 2025, Riba 2 april 2025 Hues a dicta sentencia den e caso cu Ducapro a entama contra Q-Waves/Hits100FM.

Den e caso aki e Fundacion Ducapro a pidi Hues pa prohibi Q-Waves/Hits100FM toca musica den aire di artista of autor representa pa Ducapro y a demanda pago di AWG.250,- - pa cada biaha cu Q-Waves/Hits100FM actua en contra di e prohibicion. Despues di e tratamiento di e caso, Ducapro a expande nan peticion y a demanda pa duna Q-Waves/Hits100FM permiso pa toca musica den aire di artista y of autor representa pa Ducapro bao condicion cu

Q-Waves/Hits100FM ta paga Ducapro un percentahe di locual nan ta genera.

No ta den discusion cu Q-Waves/Hits100FM ta haci uzo di musica cual artista y of autor tin derechon riba dje. Partidonan ta compronde cu un pago na e artista of autor pa toca e musica den aire ta na su lugar.

Sin embargo ta un echo cu Radio Emisoranan na Aruba ta haci uzo di e musica di artistanan of autor ya for di hopi tempo y

e peticion di Ducapro ta un medida hopi drastico cu no por wordo aplica sin mas.

Na fin di aña 2023 Ducapro a acerca Q-Waves/Hits100FM cu e mensahe cu nan mester cuminsa paga pa haci uzo di musica cual artista y of autor nan tin derecho riba dje. Desde e tempo ey partidonan a drenta den discusion tocante, entre otro, e suma rasonabel pa cu esaki. Partidonan no ta comparti e mesun opinion tocante e factornan economico di e mercado local cu mester tuma den consideracion y ademas Q-Waves/Hits100FM no ta comodo compartiendo nan informacion financiero y administrativo cu Ducapro sin regulacion of siguransa di confidencialidad.

Hues ta opina cu e obhecianan aki di Q-Waves/Hits100FM no ta irasonabel, en especial considerando cu Ducapro ta unilateralmente demanda pago sin tene cuenta cu e circunstancianan local y sin base den ley local.

Un prohibicion pa toca musica tin consecuencia severo pa Q-Waves/Hits100FM como radio emisora. Considerando

e tempo limita bao cual partidonan tawata den discusion, Hues ta haya e peticion mucho drastico. Ademas tin varios otro radio emisora cu tambe ta haci uzo di musica cual artista y of autor tin derecho riba dje y cu tampoco no ta paga p'e.

Pa locual cu ta trata e demanda adicional di Ducapro pa Q-Waves/Hits100FM paga un percentahe di locual nan ta genera na Ducapro, Hues ta opina cu no ta na su luga den un tratamiento sumario manera esun aki. Pa defini e ganashi di un emisora y determina e percentahe rasonabel partidonan lo mester acudi na un experto. Hues mientrastanto no tin niun motibo pa stipula un suma cu den su opinion ta rasonabel pa Q-waves/Hits100FM paga na Ducapro.

Pa es motibo Hues a nenga e peticion di Ducapro y ta determina cu Ducapro mester paga e gasto legal di Q-Waves/Hits100FM.

Sr. Aldrich Croes Director di Q-Waves-Hits100FM a keda satisfecho cu e sentencia di Hues y a gradici abogado Gabriela Sjiem Fat pa defende nan den e caso

Pick up no a wak truck y dal den dje na Santa Cruz



Diaranson merdia a dreña informe di un accidente na Santa Cruz dilanti 88 food Mart. Mesora a dirigi un patruya na e sitio. Na yegada di e patruya a bin compronde cu chauffeur di un pick-up oranje lo no a wak e truck geel y a bai dal den dje. Afortunadamente ningun persona a resulta herida. A tuma datos di e accidente aki.

10 Attachments • Scanned by Gmail

UN PERSONA HERIDA, DEN ACCIDENTE SERIO NA TANKI FLIP



Tanki Flip - Diahuebs algo prome cu 12'or di merdia a sosode un accidente di trafico serio poco pabou di Kazerne di Brandweer na Tanki Flip.

Polis a bay cu urgencia pa e sitio, debi a papia di un accidente serio, unda cu un auto a bay cay den e



greppel pazuid. y ta dal contra otro.

E autonan involvi tawata un Van Hyundai y un Nissan March. Ambos vehiculo a keda basta kibra .


Aparentemente e accidente aki a sosode momento cu e March bayendo pabou a bay na su man robes, y aki net e Van no tawata mucho leu

Ambulance a wordo pidi, debi cu chauffeur di e March cu ta un dama a resulta herida. Paramediconan cu a yega a hibe Hospitaal pa mas observacion.

Polis mester a bari y kita varios piesa di auto cu a keda gestart ariba e caminda.

PROME GRUPO DI BEST DAD EVER PA AÑA 2025

‘Mara mi tawata sa e importancia di tey presente y duna sosten na e mama na momento di embarazo. Ami tawata kere cu dies duna cen ta suficiente’: U tata cu a participa na Best Dad Ever durante un sesion



E prome grupo di tata pa aña 2025 a participa na Best Dad Ever y a finalisa Best Dad Ever cu un certificado. Best Dad Ever ta un proyecto caminda cu, durante 7 sesion tatanan y futuro tatanan ta traha ariba nan habilidadnan pa ta un mihor tata di locual cu nan ta caba.

Best Dad Ever ta stimula e participacion di hende homber den educacion di nan yiunan. E tatanan ta ricibi informacion, conocimiento y tips con nan por ta mas involucra den bida di nan yiu y pakico esaki ta importante.

Estudio haci na Aruba na

2012 a muestra cu e relacion entre tata y yiu na Aruba lo ta zwak. Esaki

a pone cu 131 Aruba a laga haci un estudio mas profundo na aña 2016 pa asina aki haya un mihor bista di kico tatanan ta pensa di nan rol den educacion di nan yiunan. Un di e resultadonan di e estudio ta cu tatanan kier ta mas involucra den educacion di nan yiunan. Debi na esaki 131 Aruba a crea Best Dad Ever na 2016 y a cuminsa cu

implementacion di Best Dad Ever na 2017.

Algun temanan cu ta ser trata durante e sesionan ta por ehempel: impacto di un tata, planea famia, duna cuidu, violencia etcetera etcetera. Algun partner cu tambe tawatin un rol importante durante algun di e sesionan ta Famia Planea y partera Stephanie Daal di Amare Midwife.

Best Dad Ever por tuma lugar danki na sosten di

Futura, Setar N.V., Web Aruba N.V., Aruba Airport Authority N.V. y The Salamander Group.

Pa mas informacion tocante Best Dad Ever por tuma contacto via nos website: 131.aw, Instagram: Instagram: 131aruba, facebook: https://www.facebook.com/aruba.131, email: 131aruba@gmail.com of telefon 5886138/ 5884011.

ACCIDENTE CU HENDE HERIDA NA E CRUSADA EMANSTRAAT



Diaranson atardi a drenta informe di un accidente cu hende herida na e crusada Emanstraat/Emmastraat. Mesora a dirigi un patruya na e sitio. Na yegada di e patruya a bin compronde

cu chauffeur di un V-car lo no a duna preferencia y a dal den un otro auto. E impacto tabata fuerte y ambos auto a ricibi daño. A tuma datos di e accidente aki.

Cas di palo a kima completamente, diaranson anochi



Tanki Leendert - Diaranson anochi gay cora, unidadnan di brandweer mester a sali pa un candela di cas na Tanki Leendert.

Polis tambe tawata na e sitio pa tuma nota di locual ta pasando.

Segun nos a compronde di un otro ciudadano na e sitio cu ey ta biba

e ciudadano Sr.Baarrh. Danki Dios niun hende a resulta herida den e candela.

E cas gran parti ta palo, y biento fuerte



a causa cu esaki a expande rapidamente. Bomberonan a ataca e candela di dos banda. Huma si a causa hopi molester pa e habitantenan di e casnan pabou.

Clasificados

CLASSIFIEDS

SOLODIPUEBLO@GMAIL.COM
CEL. 585 9500

SOLO Di Pueblo

CHAUFFEUR DI UN KIA RIO NO A REGULA SU VELOCIDAD NI A MANTENE DISTANCIA A BAY DAL TRAS DI UN TOYOTA JEWELA



Diaranson atardi a drenta informe di un accidente pariba di rotonde Cumana, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda e chauffeur di un Kia Rio yegando e rotonde no a regula su velocidad ni a mantene distancia a bay dal tras di un Toyota Jewela. Afortunadamente ningun hende a resulta herida.

Dama cu ta den hasi examen di rijbewijs a dal tras di un otro auto



Diaranson mainta a drenta informe di un accidente cu hende herida na Morgenster. Mesora a dirigi un patruya na e sitio. Na yegada di e patruya a bin compronde cu chauffeur di un Nissan March lo no a regula

velocidad ni mantene distancia y a dal tras di un KIA Sportage. E chauffeur di e KIA Sportage a resulta levemente herida pero no a rekeri presencia di ambulans. A pidi presencia di polis ya cu e

dama cu lo tabata stuur e Nissan March lo no tabata tin rijbewijs. A bin compronde cu e dama lo ta pendiente pa pasa examen di rijbewijs. Polis a dun'e un boet y a tuma datos di e accidente aki.

HOH ta sigui inverti den conocemento di colega cu bista riba futuro

Indra Poulina y Denise Laclé ta gradua como sedacionista



Recientemente Amstel Academie di Amsterdam UMC na Hulanda a tene e graduacion oficial pe profesionalnan cu a caba nan estudio specialisa di 'Sedatie Praktijk Specialist' (SPS).

Un funcion unico y nobo pa Aruba y hasta pa Caribe Hulandes, cu excepcion di Boneiro. Un momento

special unda cu dos anesthesiemedewerker di Horacio Oduber Hospital (HOH), Indra Poulina y Denise Laclé a logra specialisa y awo a bira sedacionista. Den un sala na HOH Academy hunto cu famia, diferente colega y management coleganan Denise y Indra a gradua den forma digital hunto cu otro alumnonan na

Hulanda. Un momento di alegria cu a sigui despues cu un bunita celebracion.

Sedacionista ta..

Graduado Denise Laclé ta conta: "Como anesthesie medewerker bo ta traha den e sala di operacion, semper cu e anesthesiologo pero como un sedacionista bo por duna sedacion sin tin mester di e anesthesiologo presente."

E proceso ta inicia na momento cu un especialista ta rekeri sedacion pa un pashent y ta haci peticion pa esaki cerca un sedacionista.

E ora ta screen e pashent y sigui e protocolnan y preparacion pa duna sedacion. Pues, e especialista awo por amplia e dunamento di servicio medico na pashent den HOH door di e posibilidad nobo aki. Y den futuro kizas te hasta esaki por sosode na e policlinica di especialista mes.

Necesidad

E anesthesiologonan a ripara cu na HOH tin un necesidad pa haci mas procedura cu ta rekeri sedacion.

Despues cu a papia cu e specialistanan nan a trece e idea pa dilanti pa bin cu un "sedatie praktijk specialist", esta sedacionista, y asina hunto cu e departamento di recurso humano a inicia e proceso y a saca un vacatura. Indra Poulina ta splica cu "Tur "anesthesie medewerker" diploma por a solicita pa haci e specialisacion y asina ami cu mi colega Denise a solicita y a wordo scogi pa haci e specialisacion aki cu a dura un total di 1 año.

Experiencia

Indra cu Denise a sigui e parti di teoria digitalmente hunto cu e alumnonan di Hulanda y e parti di practica nan por a haci aki na Aruba mes guia pa sedacionistanan diploma di Hulanda. Mirando cu e ta algo nobo na Aruba nan a logra core stage pa un siman na Boneiro

caminda nan por a aplica sedacion na pashent di gastroenterologia. Tambe nan a bay Hulanda pa un luna caminda nan por a haci e practica cerca diferente pashent di tur tipo di specialisacion pa asina haya mas experiencia prome cu bolbe Aruba y duna sedacion riba nan mes. "E tabata un año duro, di hopi trabou, pero tambe un tremendo experiencia", Indra a conta cu un sonrisa. Nos ta gradici nos coleganan, management, famia y tur cu a yuda y pusha nos di un of otro manera pa nos logra nos meta.

Inverti den educacion pa empleadonan ta un di e pilarnan grandi cu ta aporta na e meta pa eleva calidad di cuida cu ta na beneficio di tur nos pashentnan. Hunta di Directiva ta orguyoso di Denise y Indra y ta contento cu'n otro paso mas den loke ta mehora servicio y calidad di cuida medico pa Aruba henter. Masha pabien Denise y Indra cu e bunita logro aki!

ESNAN CU A DIVORCIA Y TA BIBANDO CU OTRO PERSONA DEN ADULTERIO Y NAN TA KERE CU NAN TA SALBA

Bo no sa, cu unabes cu bo ta casa pa Dios den e Sacramento di Matrimonio, bo ta keda casa pa Dios te na morto y Dios no ta reconoce divorcio. Awor, si bo ta un hende divorcia y bo ta biba cu otro, ento ta con bo por yama bo companjante bo esposo of bo senjora maske cu boso ta casa pa raad? Bo no tabata sa cu bo ta bibando den e pika condenabel di adulterio? Bo sa cu e pika di adulterio ta condenabel pa Dios y na tur esnan cu a muri den nan pikanan di adulterio, nan lo no drenta den e Reino di Dios y nan destino lo ta den fierno of den purgatorio. Bo mester compronde cu e di 6 Mandamento di Dios Tata ta bisa bon cla: “Lo bo no comete e pika di adulterio.” Lesa den Bijbel Mateo 5: 32, na unda Senjor Hesus ta adverti bon cla: “Ami ta bisa boso: Ken cu divorcia di su senjora, si no ta pa motibo di infielidad, e ta pone su senjora comete adulterio. Es cu casa cu e senjora divorcia, e tambe ta comete adulterio.” Akinan nos por compronde bon, si un homber divorcia di su senjora, ento e ta provoca cu e senjora ta bay busca un otro persona pa biba cun’e den e pika di adulterio. Akinan e homber cu a divorcia di su senjora, ta keda responsabel di su senjora cu el a divorcia. Y tambe e homber ta keda responsabel di su senjora cu ta bay perdi den e pika di adulterio.

Na e dia di huicio dilanti di e tribunal di Dios Tata, e homber y e muher tin di duna cuenta di nan actonan di divorcio y di adulterio.

Lesa den Bijbel Marko 10: 6-9 : “Na principio di creacion, Dios a traha homber y muher, p’esey e homber lo laga su tata y su mama pa e uni cu su muher y nan dos lo bira un solo curpa. Di manera cu nan no ta dos mas, sino un solo curpa. Pues loke cu Dios a uni, no ta permiti pa hende separa.” Esaki ta e Sacramento di Matrimonio di Dios den Misa, na unda cu Dios ta uni e pareha den un solo curpa, pa medio di un sacerdote y cu dos testigo. Tambe bo por compronde, cu Dios no ta reconoce divorcio y e pareha mester keda uni te na morto, maske cu nan a divorcia pa raad.

Dia cu bo a casa den e Sacramento di Matrimonio den Misa pa Dios, bo no a huramenta pa Dios dilanti di altar, cu bo lo keda fiel den bon tempo y den tempo di adversidad, den tempo di abundancia y den tempo di pobreza, den tempo di

salud y den tempo di enfermedad, den tempo di pas y den tempo di pleito y di stima otro manera bo mes y di keda fiel te na morto?

Awor mi ta puntra bo, ta na unda bo huramentonan a keda dilanti Dios? Laga nos lesa den Bijbel Mateo 5: 33, na unda cu Senjor Hesus ta bisa tocante huramento : “Tambe boso a tende loke a ser bisa na boso antepasadonan: Lo bo no kibra huramento y lo bo cumpli loke cu bo a huramenta na Senjor.” Akinan, bo no a huramenta dilanti di Dios den Misa, di keda hunto y fiel cu bo pareha te na morto? Den Bijbel Huan 4: 5-42, akinan nos por lesa, ora cu e muher Samaritana a pidi Hesus p’e haya e awa di bida eterna, p’e no haya sed di awa nunca mas, ento Hesus a bise, bay busca bo esposo y bin cun’e cerca Mi. E muher Samaritana a bisa Hesus, mi no tin esposo, ento Hesus a bise’le, bo tabata tin 5 homber y e homber cu bo ta bibando cun’e awor, no ta bo esposo. Akinan nos por compronde cu e muher Samaritana ta bibando den e pika grandi di adulterio, pasobra ela divorcia di su prome casa, pa despues ela bay biba cu diferente homber den e pika di adulterio. Akinan tambe, Senjor Hesus ta bisa na tur esnan cu a divorcia y ta bibando den e pika di adulterio, pa nan bay busca nan senjora of nan esposo cu Dios a uni nan den e Sacramento di Matrimonio, pa e pareha cu a divorcia por ta salba di e condenacion den fierno. Bo no tabata sa, si bo muri den bo pika di adulterio, bo no por drenta den e Reino di Dios. Lesa den Bijbel 1 Corinthionan 6: 9 y 10: “Boso no sabi, cu e inhustonan lo no drenta den e Reino di Dios? No ganja boso mes, pasobra ni e fornicadornan, ni e adoradornan di diosnan falso, ni esnan den adulterio, ni e homosexualnan, ni e ladronnan, ni e burachenan, ni e blasfemadornan, ni esnan golos pa plaka, ni e abusadornan, nan tur lo no drenta den e Reino di Dios.”

Tambe den Bijbel Testament Bieuw Levitico 20: 10, na unda cu Dios Tata ta bisa: “Si un homber ta comete adulterio cu un muher casa di su prohimo, nan dos lo muri, e adultero y e muher adultera.” P’esey cambia boso bida prome cu ta laat, pa boso no ser condena den e candela di fierno despues di morto.

SUDOKU

8			3					
3					5			
		9	1		4			
	4			8		7		
6								2
		8		2			3	
			7		9	6		
			2					5
					8			4

		9	8				4	
4				5				
			7	1				9
						8		1
	5	8				4	7	
6		3						
5				7	1			
				4				2
	7				9	1		

		7	1				5	
				7	4	8		
	2		3	8			7	6
				4	8		1	9
		8				5		
6	9		5	3				
8	7			1	9		3	
		3	8	5				
	1				3	9		

FORTALEZA PA FAMILIA

Scirbi pa Pastor Marcel Balootje.

ALERTA; PORNOGRAFIA Y TELEFON, TA CAUSANDO DI HOPI DIVORCIO

Pornografia no ta cos di awe, e a wordo exponi for di 79 anja despues di morto di Cristo, den e Imperio Romano cu tabata na mando.

Pornografia ta pica, e ta instrumento diabolico di scuridad, e ta hiba na seducccion, bagamunderia, inmoralidad, y hasta violacion.

Ora un hende ta drenta den pornografia, e persona ey si e ta casa e ta den adulterio, y si e ta soltero e ta fornicando.

Pasobra locual bo wowo wak y bo curpa ta desea, ta hibabo na pica. Pasobra Dios no ta tenta ningun hende, ta hende ta wordo tenta door di nan propio deseo cu ta hiba na pica, y despues pica ta hiba na morto.

Tin hende ta adicto na pornografia, hende nan cu nunca bo por a pensa, ta pega den scuridad, sin

ningun speransa di salida.

Asina pornografia drenta den un matrimonio, adulterio, y inmoralidad a drenta, pasobra ta e pareha mes a trece, y hunto cune ta bini rebeldia, pasobra adulterio ta un paquete completo, si bo wak bon hopi mucha cu tin actitud rebelde y cu no kier respecta, ta bini di locual nan mayornan ta practica den cas.

Y, ora bo trece pornografia den cas via buki, video. Of e famoso telefon, bo a habri porta pa e enemigo drenta y cuminsa posiciona su mes pa kibra e hogar.

Via di telefon pornografia ta drenta, hopi biaha bo ta mira un hende ocupa den su telefon, hasta durante ora di trabao, of durante break, bo ta puntra bo mes cu ken e por ta papia, pero e persona no ta papia cu ningun hende ta riba e site di pornografia e ta.

Pornografia ta un negoshi diabolico grandi cu ta inclui tur tipo di relacion sexual, hasta di hende cu animal, y e cos cu mas disgusto ta trece den bida di hende cu sano huicio ta pornografia infantil.

Pa medio di telefon hopi proposicion indecente ta wordo presenta hasta cu portret, y esey tambe ta cay bao di pornografia.

Por ta un pareha ta pensa

cu entre nan dos no tin peligro si nan ta wak poronografia, por fabor no ganja bo mes, bo ta bezig den pica di adulterio y cu un momento of otro bo ta cosecha locual bo mes a sembra.

Boso a tende cu a wordo bisa no comete Adulterio, ma Ami ta bisa boso, cu ken cu wak un muhe pa dese'e ya caba e a comete adulterio cune den su curason. (Mateo 5:27-28).

Huy for di inmoralidad. Tur otro pica cu un hende comete, ta pafodi e curpa, ma e hende immoral ta peca contra su mes curpa. (1 Corintionan 6:18).

Warda bo curason riba tur cos, pasobra e ta e fuente di bida. (Proverbionan 4:23).

Esun cu comete adulterio cu un muhe ta falta

comprondemento, esun cu haci esaki ta caba cu su mes. Herida y deshonor e lo hanja, y su reproche lo no wordo kita nunca. (Proverbionan 6:32-33).

Si nos confesa nos pica, E ta fiel y husto di pordona y libra nos di tur inhusticia. (1 Juan 1:9).

No stima e mundo, ni e cosnan cu tin den mundo. Si un hende ta stima mundo e amor di e Tata no ta den dje. Pasobra tur loke cu tin den mundu, e deseo di carni, y e deseo di wowo, y e orguyo di bida, no ta bini di e Tata, sino di e mundo.

Pornografia ta un cos completamente di mundu, cu ta trece perversidad y inmoralidad, no ta cos di participa den dje.

Senhor nos ta pidi bo pa manda liberacion awor.

Clasificados



SOLODIPUEBLO@GMAIL.COM

CEL. 585 9500

Oracion di dia

Un feliz dia yena di hopi fe y speransa den nos bon Dios

”...sino conta e generacion venidero: esta gloria di Señor, su poder, ye cosnan milagroso c’El a haci.” (Salmo 78, 4bc)

E Evangelio di awe ta cuadra, manera semper, tempo cu ami tabatamucha. Mi mayornan semper tabata educa mi tocante di Dios, Cristo Hesus y Spirito Santo. Y un Bijbel no tabata haci falta. Haci oracionta cos di tur dia. Y sin falta bishita e cas di Dios.

Awendia nos ta ripara e generacion di awo, no tin mucho balor pa cu Dios. Pero anos a sigui conta nos yiunan tocante di Dios manera nos grandinan a haci? Anos a siña e hubentud tocante e milagronan y sacrificio cu Cristo Hesus a haci? Of di e donnan cu Spirito Santo tinpa nos? Y anos a tene man di nos yiunan, hibando nan, tur siman, pacas di Dios pa scucha su Palabra? Ban sigui cu e bunita custumber cunos grandinan a haci. Ban sigui hiba e futuro generacion ariba e caminda cu Cristo Hesus a traha pa nos. ”...pa nan tambe confia den SEÑOR, no lubida Dios su obranan grandi...” (Sal 78, 7)

Oracion: Señor mi Dios motiva mi y guia mi, cu yudansa di Spirito Santo, ariba mi responsabilidad pa conta y educa e generacion nobo di

Bo Maraviya.

Y inspira nan pa nan sigui conta na e siguiente generacion.

Amen.